

趙恭毅公自治官書類集

趙恭毅公自治官書卷之十一目次

長沙何祖柱蒐輯

牌檄

戶政類

禁徵南秋米陋弊檄

禁漕糧陋規檄

禁兌漕陋弊檄

飭議南秋米緩徵檄

南秋米分別緩急徵收檄

劣役冒濫陋弊檄

飭漕糧官收官解禁違例折銀檄

飭禁徵漕陋弊檄

查各屬收漕經承姓名檄

撥定旗船兌糧檄

駁長善運岳腳價檄

駁巴陵縣私派漕耗檄

禁收漕斛斗顛倒檄

飭取制斛斗升呈驗檄

禁兌漕需索檄

查澧州漕費作何徵收檄

催石門等縣未完地丁檄

飭解餉批剋載明完欠檄

禁虧空倉庫陋規檄

禁盤查需索陋規檄

飭交兌出結檄

駁宜章縣徵解違限檄

宜章縣盤查檄

通查多盤糧

銅鼓衛假捏老人冒銷糧

飭議墾荒田地糧

禁勒報派墾情弊糧

飭知內班門皂工食不能扣捐糧

飭常平倉穀實借窮民糧

飭府州親查倉穀糧

查寧鄉縣虧空倉穀糧

飭盤察倉穀出借糧

飭議捐設義倉積穀檄

飭查長沙縣糶賣倉穀混造合勺等數檄

飭減糶救荒檄

嚴禁放穀檄

飭停徵借穀檄

飭煮粥賑饑檄

禁商販穀米檄

飭議停止查鹽檄

查鹽斤因何增價檄

查岑攸鹽貴檄

查鹽觔陋規檄

茶攸照湘潭鹽價檄

飭查需索鹽商陋規檄

禁生監私克鹽牙檄

議引鹽 奏銷考成檄

查湘潭習戶布椿攔河檄

禁官役藉端阻商檄

四十五年錢糧東佃作何分免檄

趙恭毅公自治官書類集卷之十一

長沙何祖柱蒐輯

牌檄

戶政類

禁徵南秋米陋弊檄

爲嚴禁徵收南漕秋米之弊以除民累事照得南秋二
米係撥供本省制營兵丁月米其間兵米同城者徵給
本色乃不同城之處並下剩米石俱作六錢折徵久經
定例在案但湖南向來苛政凡有一項款目卽

不一項陋弊查係劣衿棍蠶串通有司朋比爲奸魚肉小民如長衡岳寶靖五府州徵收南秋本色開倉花紅臺蓋常規自官而下宅門經承門子皂隸無一不費及至收糧又差家丁經承坐倉交通斗級人等民間上納米石需索私禮稍不遂慾或捐勒守候或淋尖陽斛或商量撒尖每米一石多費七八升一斗不等家丁經承斗級恃有美餘在倉恣肆折價乾沒入囊逐日飲酒食肉穿袖着緞無非小民膏脂至於徵收改折部價六錢一石公然稱爲道府通判州縣常規每石各三五分

不等又有明耗暗平竟至八九錢不等方可折米一石
其貧民小戶或納斗升合勺之米折價不過分釐半數
稱收甚至一倍數倍湖南土瘠民貧何堪當此股削本
都院躬膺節鉞心切撫綏仰遵

皇上力減加耗盡革私徵之諭旨凡開弊竇無論巨
細總期漸除殆盡以甦民困合行嚴禁爲此牌仰撫屬
有南秋州縣官吏照牌事理嗣後徵收本色印官自行
經理勿許劣衿棍蠹串派開倉常規等費并不許家丁
雜役坐倉收米需索捐勒折侵乾沒其徵收折色毋論

卷二
恤刑堂
米之多寡務照部定價值每石六錢平戡稱收不得
多勒分釐其明耗暗平盡行革除敢有故違許受害小
民赴轅控告察審得實官則糾叅衿棍蠹役立拿處死
決不寬貸慎之慎之

禁漕糧陋規檄

爲剔除漕糧蠹弊以節耗費以甦民困事照得漕糧上供

天庾輸納原有定數祇因江湖道險飛輓維艱交倉兌運費用非一不得已而議計銀議幫米總爲漕務濟其窮非欲蠹胥享其利也湖南漕糧陋例上下通同官役分蝕任意攤派群聚烹分小民脂膏朘削已盡上年酌減耗費似已清釐本都院入境以來詳加採訪名雖照舊量減實則暗地增加有僉派里民包收包解者有違

折銀多勒重價者有藉端開銷以少冒多者更有私
行賄賂以有諱無者太約所幫銀米費於漕糧者六七
費於官役者二三種種蚕食全無忌憚而更可怪者糧
道衙門乃係董漕專司而卽爲侵漕弊藪其經承則漕
糧房有費派撥房有費篩晒房有費樣米房有費批廻
房有費號房有費典承有費差役則管事差有費提糧
差有費趕幫差有費查縣納糧差有費押兌差有費三
班有費斗級茶房有費據各屬冊報有索米索銀數石
數兩以及數十石百餘兩不等此一絲一粒何一不從

派幫而來以派幫所出而飽此輩之腹窮民飲恨而不能言下屬畏威而不敢言漕弊之多先自糧道衙門始漕政之壞亦先自糧道衙門始又安望其飭禁州縣革除錮弊也哉本應嚴拿究處姑以事在本都院未任以前從寬暫免今當新漕兌運將屆恐或怙終不改威嚇婪賍合行出示曉諭如有糧道衙門一切書役差快人等指稱漕糧派撥飾戾樣米批迴東號典承以及留事提漕趕幫查米押兌三班斗級等名目不遵法紀不顧計命需索陋規捐勒漕費者據實首告立即鎖拿杖斃

行將該道以縱蠹殃民糾叅如敢通同徇隱察出一體
治罪決不食言等因除揭示曉諭外合併飭行爲此仰
道官吏照文事理卽嚴飭各役此番漕務不得仍蹈故
習希與陋規致干大法本都院疾蠹如仇斷不假借一
有故違白簡具在慎之慎之

禁兌漕陋弊檄

爲嚴飭各衛兌漕陋弊以除積害事照得湖南漕糧歷
係荆岳等五衛兌運北上其一切運費皆有額設錢糧
漕船需用席木板片則有應支之項運糧官軍則有行
月糧米及二耗給單米石以敷過淮抵通之用已受
朝廷榮養厚恩無如湖南糧艘各衛旗丁赴岳開兌不

受

功令恣意魚肉索賄費索淋尖勒飾屢勒船規至於花
紅酒禮挿籌畫會種種需索不一而足稍不遂慾輒倡

率黨夥將解來員役毆辱交加勢如狼虎甚至鳴鑼吶
喊形同叛寇不知何所恃而橫行至此再如領運弁目
勒索規儀指執通關實收縱容旗丁指使撒潑尤堪痛
恨管糧衙門萬不得已攤派各費苦累小民本都院下
車以來查訪得實已經嚴行飭禁在案但各脩旗丁原
屬該司統轄官民跋涉江湖解運漕米本屬急公亦稱
勞苦乃迨旗丁弁目百般凌虐無厭苛求豈

國法獨不加於旗丁弁目耶該司目擊無忌一任縱肆
是何法紀合行出示嚴飭爲此示仰該司弁目旗丁知

悉今湖南運京漕艘務將從前一切陋規盡行革除并
丁敢有故違本都院立行查拿究治仍將該司以徇隱
叅處其各旗丁仍須星速赴次受兌如有任意逗畱使
州縣漕米守候致滋需索先行按名細責决不寬貸

飭議南秋米緩徵檄

爲酌定南米徵解之緩急以省催科以寬民力事照得
南秋二米徵收例在七月以後而兵糧待哺諒難枵腹
則不得不變通徵給以紓庚癸非得已也至於兵米支
剩折銀充餉一項俱俟奏銷之後候部文起解期限甚
寬秋冬未晚理固然也不能緩者自不得不以兵食爲
先不容急者自不得不以民力爲重該道職任監司必
當籌度緩急務使兵民兩利

國課無虧斯撫字催科兩得之矣查該道造送康熙四

下二年派撥各制營兵丁應支月米數目冊內各州縣有支剩之數不及實徵十分之一者有全給兵糧毫無支剩者又有支剩之數竟居實徵十分之六七者又有全折銀者支剩少則給兵多給兵多則徵收不得不多且不得不早此亦事理之易曉者況此支剩折徵克餉銀兩若春夏卽應徵解則解部尙在一年之後早貯道庫將安用之如衡陽縣於坐支外已解過折徵米六千八十二石巴陵縣於坐支外已解過折徵米六百石武岡州於坐支外已解過折徵米三千三百三石五斗

零寶通判於坐支二季外已解過折徵米二百石會同
縣全解折徵米六百四十三石零此可緩乎不可緩乎
可緩而不緩該州縣通判只顧徵收耗羨不顧輸納艱
難猶謂有人心乎或春夏不必徵解則同一州縣何支
剩多者可稍緩須臾而給兵多者遂應接不暇乎卽曰
支給與折徵勞逸不同費分多寡或在同城則然而外
縣果亦支給乎就使州縣利於支給而一季併徵兩季
民生不已告悻乎今康熙四十二年長衡岳寶靖五府
州屬實徵南秋二米一十三萬四千五百四十三石三

斗零內惟存剩折徵克餉米六萬四千六百六十四石
七斗零是存剩之數幾半於實徵該道何竟不詳查縱
聽大膽經承不分緩急一例混徵又不均存剩任意高
下且不分完欠或升合不解或折徵已半或折徵全解
豈以民隱不足恤歟乃陋習之相沿本都院閱冊掩卷
不勝長嘆茲詳加稽核合行飭知爲此仰道官吏照依
文內事理卽便移明各標鎮協營夏季兵米俱赴該道給
領併嚴飭長沙善化衡陽巴陵邵陽武岡靖州天柱八
州縣併湘陰瀏陽醴陵益陽湘潭茶陵衡山耒陽常寧

平江臨湘華容新寧城步綏寧十五州縣俱於九月間
徵各州縣仍出示通曉里民不得於限前預徵致干大
咎亦不得屆限故行延玩有悞支解再前項解道折徵
銀兩既借發夏秋二季兵米該道應將各標鎮協營夏
季應赴道領兵米數目秋季應赴道領併撥赴湘潭寧
鄉攸縣支領兵米數目冬季坐支八州縣及赴原撥各
州縣支銷兵米數目併二十六州縣另解折徵解

部克餉數目俱責善筭經承詳訂無訛備造清冊呈送
核發轉飭各州縣支解其各州縣除折徵克餉解道貯

庫外所有支給兵米併遵前檄移明各標鎮協營依數
赴領毋得仍令各州縣解道以滋煩擾慎切慎切

、南秋米分別緩急徵收檄

爲預飭酌定南秋月米解部之數分別緩急徵收免悞
兵食毋苦催科事照得南糧秋米一項例係七月開徵
因撥供本省制營兵丁月米關係計日授食之需難於
緩待是以先行徵支非得已也查所屬州縣不分兵米
解部之項孰緩孰急一概混徵在小民半徵之餉未完
而南秋米石又責全解卽剗肉醫瘡勢難兼顧催科敲
扑勞所不免官斯土者豈宜漠然置之本都院洞悉民
艱殊堪憫恤所有康熙四十二年分南秋應支兵米及

下剩解部之數合飭預期酌定爲此仰道官吏照牌事
理卽將湖南兵米同城之處照舊按月徵給本色其不
同城之處合計共實徵米若干內應支兵米若干下剩
解部若干照數核筭將某州縣實徵米數分出應支兵
米若干應解部若干給兵者令其按月徵収支放解部
者俱照例於七月開徵庶兵食無悞徵輸亦易仍將各
營兵米酌量附近州縣派撥不得移近就遠致滋苦累
逐一分晰造冊呈齎以覈核定飭發遵照分移各營自
行關支毋得縱任經承朦混致干提究未便

禁徵南漕陋弊檄

爲嚴禁徵糧陋弊以恤民瘼事照得時屆西成南漕開徵伊邇訪得舊有陋例每遇開倉徵收之際府廳州縣官需索常規經承里總人等苛取耗費又有道差府差指以派單下屬借事生風任意攫取是官役之所藉以肥囊者絲毫皆民間膏血也至於糧房斗級又有淋尖踢斛樣米諸般苛剥欺上罔下莫此爲甚本都院一面密訪查究外合行嚴禁爲此仰府官吏即便嚴行所屬州縣大張告示曉諭通衢如有印官指稱開倉名色及

經承人役需索陋規道府差人下屬勒取供應打發及
經管斗級各役違禁科収等弊或被告發或經訪聞定
行飛章題叅按贓擬罪斷不輕恕如該府釐剔不嚴
陽奉陰悖一併叅處先取各遵依報查

飭漕糧官收官解禁違例折銀檄

爲嚴飭漕糧官收官解併禁違例折銀以杜漕弊事照
得湖南地處楚末歷來徵收漕糧濫派耗費苦累小民
本年漕米已經開徵兌運伊邇本都院洞悉諸弊嚴加
禁革以甦民困第訪聞各屬不肖有司罔遵法紀竟不
遵官收官解聽信蠹役私派里長或指稱驗米僉報殷
實種種苛派官役分肥更有積年呈蠹利於包攬勒索
私幫膽侵飽橐名雖遵例酌減實則暗地增加更有不
法州縣通同地棍違例折銀每石至八九錢一兩有奇

不等名雖照額辦公實則私徵過半似此藐法橫行經
管上司全無禁飭豈真不能覺察抑或有意縱容爲此
仰道官吏照文事理即便嚴飭有漕各州縣本年漕米
務照該屬額徵實數官收官解毋得聽蠹私派里長僉
報殷實併不許藉稱赴岳買米違例多價折銀取有故
違一經察實立即叅拿斷不輕貸文到卽取該府出具
該屬並無私派里長僉點殷實違例折銀印結送查毋
得遲違致干未便

飭禁徵漕陋弊

爲嚴飭私收私派之弊力行官徵官解之法以甦民困以肅漕政事照得湖南地方爲南服邊徼向來徵收錢糧重派加耗比比而是本都院特奉

諭旨業已通飭嚴禁在案惟漕糧一項聞向來陋規有印官不自經理聽里棍蠹開克收解者有不遵制解私造大斗收量者有斗級船戶任意淋尖踢斛不容花戶自行執蓋平打者有州縣委官或差家丁監取需索私禮一不遂欲或假言米糙勒令篩粳或故意刁頓不

與收量稽延越日風雨漂徵損失傾壞者至於州縣開倉花紅臺蓋有派府縣硃價有派較斛樣米有派差役催提有派兌漕規例有派至於經胥之勒索里棍之分肥悉皆名之爲水腳公然設立卯簿日逐刑比間有完納不及輒將已交入倉上船之米扣抵復架以抗糧情由詳解上司嚴刑峻法無所不加殊不知過淮抵通運軍裝載既有二耗米石可爲飯食又給有行月米折及蒲木等項銀兩俱係作正開銷載運岳次則有里納腳米以爲運腳盤剝之資乃動借水腳之名苛此無藝之

徵剥小民之脂膏以克官役棍蠹之私橐違法累民莫
此爲甚除行出示嚴禁外爲此稟仰撫屬有漕州縣官
吏照文事理嗣後徵收漕糧印官遵照制斛令花戶自
行執蓋平量勿許棍蠹開克收解勿許斗級船戶私用
大斗淋尖踢斛勿許委官內丁勒索刁頓至於一切陋
規盡行剔除勿許借名苛派敢有違禁仍蹈故轍本都
院一經訪聞官則飛章奏處胥役里蠹立斃杖下漕法
具在斷難姑容各宜祇遵毋貽伊戚慎之

查各屬收漕經承姓名檄

爲飭行事照得徵收漕糧種種陋弊已經嚴行禁革近訪得上年竟有不肖州縣縱蠹私用斛斗收量甚至斛斛淋尖小民吞聲而不敢言該道膜視而不一問殊可痛恨茲欲究除弊源先自管收經承始所有各屬收漕經承姓名合行查取爲此仰驛糧道官吏卽便轉飭有漕各屬照依上年所頒制斛數目每斛經承一名遴選老成殷實守法怕死者取結克役先將各經承姓名具文報查毋得遲違速速

撥定旗船兌糧檄

爲預飭撥定旗船受兌以免守候以省煩費事照得收
兌漕糧夙稱弊藪董漕政者苟非實心清楚若止因循
錮弊徒飽蠹腹罔恤民艱殊爲溺職如水次倉廩原因
旗船到次遲早不定州縣載運類皆山溪小艇灣泊等
候恐有風濤莫測是以令其上倉所以慎重漕精而裨
益州縣也但使漕米到次卽有旗丁受兌自無守候之
苦乃該道縱任派撥經承遍行需索不厭不止直至該
道到岳方行分撥則未撥以前卽有旗船到次亦不知

應收何州縣之米卽有漕船到次亦不知應交某衛弁
之船及該道臨岳一時擁擠因而百弊叢生粒米任其
復戾弁丁恣爲指勒殊可痛恨合行嚴飭爲此仰道官
吏照牌事理卽將旗船通盤核筭某幫船共若干隻每
船應兌運若干石將領運各船旗丁某某分別若干名
并將有漕二十一州縣漕米照依船數分爲若干隻造
具清冊二本實核當堂公同閱定轉飭遵照廢無前項
等弊如敢仍前需索藉詞諉延除立拿派撥該承杖斃
外該道大有未便

駁長善運岳郡價檄

爲飭查事案照本都院前因湖南向來漕項陋規科派固重而徵收米石又多額外加徵或私用大斗收量上年雖將重派飭禁每石減至一錢二分然州縣不照實徵徵米其額外多索尚未剔除是以本年八月初五日檄行湖南所屬有漕各州縣將米一石徵銀一錢二分之數開明某處支用若干又有加一徵收或私用大斗多收之米作何支用分晰造冊呈核今除各屬未經造冊實到不議外茲據長善二縣造具前項文冊實送前

來本都院披閱冊開支用銀數固屬浮冒姑俟查叅核奪外其冊內有額外加一多徵米石據開用款數但查各該縣正四二耗係起運給軍之項尚有額編里納米石原爲裝運盤剝船腳之用今二縣冊內開有運出船價每石四分一切尖耗又公然額外加徵任意支吾則此額編里納腳米一項不知量之何地作何支銷並不議及殊爲不法該司總司錢糧總職司清政整弊旌民諒有同志豈可縱貪恣虐令行嚴查爲此仰司道官吏照牌事理即便嚴查各屬情糧裝運岳次旣另給船價一

切尖耗又係額外加徵則額編里納米石既不動用何
用支銷因何並不造入冊內又敢加一橫徵目無法紀
卽嚴行革除仍出示曉諭如敢故違定行拏處該司道
亦大有未便

駁巴陵縣私派漕耗檄

爲嚴查事查該縣爲兌漕之所並無運米盤腳之費里
納米石有宜留克節毀尖耗併旗船兌漕之用今據該
縣賡冊於里納外又派往米二百四十五石九斗零混
稱里納米石已經季令散給里民羅夫作運米腳費夫
迎迓之運米到岳倉猶外縣之運米到縣倉也外縣並
無運米到縣倉之費而巴邑何得有運米到岳倉之費
若云入冊六奏銷則何故以入冊六奏銷之項冒銷米
四百餘石而不入冊六奏銷之項反派米二百四十餘

石明係前令官役侵蝕至漕費銀兩上年各項止需銀
六百三十六兩六錢零今冊開支銷銀七百六十兩六
錢零是已浮冒銀一百二十四兩零姑照該縣冊報尚
有餘剩九十七兩八錢零明係官役分肥合行究追爲
此仰道官吏照文事理即將發下巴陵縣經承周朝瑾
該道嚴加查訊前項冒銷里納米四百二石零實係何
人侵蝕餘剩銀九十七兩八錢零現在何處訊明下落
如數究追以克本年清費毋得刻遲速切

禁收漕斛斗顛倒櫟

爲嚴飭事照得漕糧關係

天庾正供南秋二米乃兵丁計口授食之需顆粒俱皆
小民膏血經徵各官自應照米數多寡遵照分別制斛
斗升收量乃訪聞有漕南秋米州縣每遇徵收之時任
憑經胥斗級家丁收量米多者應用斛補收量及用斗
升折筭米少者應用斗升收量又用斛補扣除故意顛
倒滋弊害民大干法紀合行嚴飭爲此仰驛鹽糧道官
吏照文事理即便嚴飭有漕南秋米州縣遵照嗣後徵

收米石應用斛桶收量者卽用斛桶應用斗升收量者
卽用斗升毋得仍前扣除折筭致累小民如敢故違一
經訪聞或被告發官叅役處斷不輕貸卽該道亦干失
察文到先取各州縣遵依報查速速

飭取制斛斗升呈驗檄

爲飭取較準制斛呈驗等事爲查制斛一項本都院訪聞有漕南秋米各州縣每年開徵之時罔遵

功令私用大斛剝削小民是以較準制斛斗升各五張檄發該道轉發有漕南秋米府州較釘分發有漕南秋米州縣并飭該州縣照式製造應用張數俱令覈驗印烙頒發去後今據安仁縣呈覈制斛斗升各一張請驗前來查州縣額米多寡不等若制斛斗升頒發數少則一時擁擠收量不及小民不無守候之苦而胥役乘機

捐勒反有藉端需索之弊殊屬未便合行飭查爲此仰
驛鹽糧道官吏照文事理卽查有漕南秋米州縣各額
米若干應用制斛若干張每制斛一張應用斗升各若
干張迅卽查明飛飭各州縣呈查立等驗明以憑印烙
頒發新漕開徵在卽毋得刻遲致干未便速切

禁兌漕需索檄

爲再行嚴飭以肅漕政事照得漕糧一項關係

天庾正供董漕各官務宜潔已奉公斯稱厥職乃湖南向來徵漕道府官役各有常規以致州縣藉名科派并私用大斗徵收上下官役通同瓜分種種積弊殊爲不法本都院於四十二年蒞任之後飭查漕項陋弊如前任衡州府婪贓纍纍據衡山縣詳稱自本府常例而外尚有衙門管糧房役監兌承快酬勞資養供給之用共二百六十四兩二錢而本府常規及隨禮門包實共銀

二百三十六兩又衡州府每年勒索耒陽縣四十四兩
安仁縣二十四兩勒索衡陽縣常規銀一百三十八兩
書差各役銀十六兩衡陽縣又開報糧道書差各役銀
一百五十二兩卽此一府則各府可知卽此數縣則各縣
可知層層剝削盡是民膏箇箇徵求罔知

國法本都院訪查旣確不勝痛恨姑以事在本都院未
任以前未置重典歷年屢經禁飭在案今值新漕開兌
誠恐日久弊生官役愍不畏死仍蹈前轍亦未可定合
再嚴行飭禁爲此仰府官吏卽便確遵禁絕陋規併嚴

飭管糧監兌各書役毋得需索分毫如有沿襲銅弊藉
端肥己一經訪聞或被告發官叅役斃決不輕貸其不
肖州縣仍踵前弊該府卽行據實詳叅倘徇縱隱匿一
併叅處慎之慎之

查澧州漕費作何徵收檄

爲悖禁囑民等事爲查澧州正四二耗共米一千六百九十四石零每漕米一石徵銀一錢二分該徵收銀二百三兩零以通州納戶共派銀二百三兩零之漕費蠹役機乘零星完納大膽苛收勢所不免合行飭查爲此仰驛鹽糧道官吏卽將澧州詳稱徵收京淮費每石漕米徵銀一錢二分闔州花戶大率祇納厘毫俱係任意捻投等語旣係祇納厘毫卽云任意捻投決無捻投厘毫之理似此藉端勒索飽貪病民深可痛恨該道速卽

查明該州漕費應作何徵收便民除弊確議詳報以憑
核奪毋得游移致干駁詰速速

催石門等縣未完地丁糧

爲查催未完錢糧。訓考成事照得州縣職在催科歲
內全完者固邀議叙之典卽奏前全完者亦可免其處
分查湖南閩屬實征地丁起運等銀僅止七十九萬有
奇今奏期已屆尚有石門辰谿淑浦瀘溪沅陵宜章六
縣共未完銀六千四百餘兩不知經徵督催各官終歲
所司何事是豈頑民之逋欠耶抑經征印官催科乏術
或有侵那別用耶今本都院撫治湖南一切襍派槩行
禁止小民惟納正項錢糧務期年清一年斷不少容掛

欠以懸

國帑合亟嚴檄查催爲此仰司官吏卽將石辰等縣未完前項銀兩火速分檄嚴催奏前全完其有各項空缺降罰住俸以及雜項錢糧亦卽催令盡數全完具報敢有仍前抗延卽提經承究比印官指名 題叅慎毋瞻徇未便速速

飭解餉批廻載明完欠檄

爲嚴飭開列完欠以憑查催事照得各州縣徵收錢糧
務須依限起解但各屬勤惰不同以致遲早完解不一
卽已經起解而未解之數不行開列州縣易於朦朧上
司難於稽核今當康熙四十三年錢糧開徵之始所有
驗送批廻文式合行通飭爲此仰州縣官吏卽將起解
四十三年錢糧應入考成各項錢糧彙算明白卽於申
文後列一總數開明該州縣共該銀若干爲一行次列某
字第一號連批某月日解銀若干卽註明未解銀若干

如二批起解仍照前開列總數爲一行次開某字第幾號連批某月日解銀若干未解銀若干嗣後每批申文俱照此式如已全完卽於解銀若干後註明如數全完訖其起解銀數俱要用印鈐蓋如此完欠數目了然紙上一閱可知無煩查核其不准優免解費曆日表夫鄉飲空缺以及田房等稅各起連批照常申文起解至總數欠數要筭明清楚不得差訛致干查駁如有不遵及錯混違式除發換外定提經承究處不貸

禁虧空倉庫陋規檄

爲直揭倉庫錢糧虧空之由以除積弊大害事照得倉庫錢糧米穀上係

朝廷積貯下關有司考成一有虧缺卽干叅處爲有司者自宜謹出入慎蓋藏以保功名身命乃邇來虧空屢告不知何不自愛敢於輕蹈法網或侵或那褫職問擬自作之孽夫復何怨然有司不肖者固不足惜自愛者諒亦不少而不免多以虧空爲累揆其所由一在交盤之壓勒一在查盤之需索夫新舊交代授受期於清楚

而離任之員輒營求上司以勒接任之交代爲上司者
平時既受其餽賂離任不得不曲爲周旋而接任之員
畏上司威勢只得隱忍接受一經出結井心替死此其
虧空之由於交盤也上司查盤原爲稽察侵蝕乃不問
倉庫盈虧只論餽遺厚薄每次查盤索銀一百二十兩
二百四十兩以至六十兩八十兩不等陋規到手則虧
空亦不虧空矣豈知此項賕私總是動支銀穀多一兩
之陋規卽多一兩之虧空積之既久所缺愈多則不虧
空者亦必至於虧空矣以

朝廷慎重倉庫之大典竟爲貪官吮膏嚼骨之生涯雖
發覺之後連坐處分而肥其囊中者已不可問此其虧
空之由於查盤也本都院洞悉此弊不勝痛恨合行嚴
飭爲此仰司官吏照文事理即便轉行所屬嚴行禁飭
如交盤之際有上司壓勒接受併查盤上司需索規禮
程儀種種名色該州縣卽據實詳報以憑遵照 新例
立刻叅拿其通同與受一併叅處斷不姑貸毋得玩視

禁盤查需索陋規檄

爲再行嚴催盤查倉庫事案照倉庫銀穀虧空那移
新例恭擬本都院蒞任以來洞悉各屬該管府州竟不
實心奉行只圖需索陋規不圖倉庫盈虧以

朝廷慎重錢穀之大典爲上司囊橐之生涯隨經通飭
在案今訪聞該管上司親詣盤查仍沿陋例需索規儀
而該縣亦相率趨承意旨苟免詳叅指倉庫作逢迎視
虧空爲兒戲通同與受大干法紀合再嚴飭嗣後如有
需索陋規故意畱難該

州縣

卽具文揭報本都院以憑遵

照 新例立行恭處斷不姑寬慎切

飭交兌出結撤

爲飭查交代民欠實數以杜私徵事照得州縣印官陞
遷丁憂緣事叅革離任交代署官查明經手錢糧等項
如係清楚攢造冊結府司查核限內轉資批奪如有虧
空詳請叅追此定例也但現今離任各官因上年十二
月准到部文奉

旨蠲免四十五年地丁銀米舊欠並停輸納有等不肖
州縣將徵收在庫銀兩竟不起批到司甚有悖

旨私徵公然入彙及至署官或新官到任亦互爲容隱

恣意分肥捏稱民欠貽害裁賠若不飭行嚴查出結定
案萬一虧空又請叅追未免已晚事關

國帑民瘼豈容竟置不問合亟飭行爲此仰司官吏照
文事理卽便轉行所屬如有通同扶捏以完作欠希圖
來歲重徵者或被告發或經訪聞卽將出結之官一併
叅究毋違

駁宜章縣徵解違限檄

爲報明錢糧違限情由事爲查湖南四十二年分應徵
餉銀前准部撥協解貴州兵餉三十萬兩又撥存省兵
餉八萬九千六百兩又准 部文取解銀一十五萬兩
前經本部院檢查各屬上半年完解數目而該縣應徵
起運餉銀六千四百兩時至六月尚無分文報解是以
檄行藩司查催在案今據該縣驗稱今年四月內正逢
蔣神少雨祈禱雖經獲雨然早稻少收晚稻未熟青黃
不按百姓屢遞呈詞哀求緩徵又因本年天旱苧麻無

叔是以錢糧催趨不及俯賜寬限等語但查湘鄉衡陽等縣昨據詳報旱災情形雖經彙題而本年上半錢糧俱各依限徵解今該縣既稱旱稻少收晚稻未熟似非亢旱者可比而謂百姓哀求緩徵亦以目前言之耳其二月開徵以來百姓豈預知有亢旱之事而故延捱不完耶至稱今年天旱苧蔴無收是以錢糧催趨不及第從來任土作貢糧從田出豈以該縣額編數千金之正賦而竟出之苧蔴不知五風十雨之年田地之出產何在乃迄今半年有餘百姓毫無完納之理顯有已征侵

那情弊及至檄令行查方行具文巧爲支飾又不叙明
奉查緣由且不用詳文僅以驗文塞責殊屬不合本應
指叅姑行駁飭爲此仰司官吏卽將該縣本年分應徵
上半年起運餉銀因何至今毫無起解作何侵挪之處
立即據實回覆仍一面將上半年餉銀照數起解如再
支延定行叅究慎速慎速

查擅委知縣盤查檄

爲嚴查事案准 部文內開州縣徵收銀米每於年終
令知府盤察如有虧空立行呈報司撫苟匿不舉出事
發將知府照新定交盤例議處等語又准 部文直撫
李 條奏一切雜項錢糧似應亦照例盤察保結等語
俱經通行遵照在案本年三月十七日據長沙府詳議
長屬倉庫飭交鄰近州縣盤察前來隨經護院批盤察
州縣倉庫定例專責知府仰布政司飭行遵照繳等因
批飭在案何該府怠惰偷安乃敢擅委屬員前往各州

縣盤察藐視

功令抗不遵依該縣亦目無上批公然違悖在該縣與各州縣有同寅之誼彼此互盤不過互相容隱誰肯據實指摘且不日報部是否卽以縣結具結若朦朧仍用府結是院司與該府通同欺飾而盤察竟爲具文矣除行布政司嚴查併取各職名核叅外該縣不循職掌擅代該府查盤奉何定例且曠日墮政貽悞地方大千功令合行查究爲此牌仰該縣官吏查照來文事理文到卽將不遵定例故違護院飭批擅赴各縣查盤係何

情獎立行明白具詳以憑分別參處如故遲延定提經
承重究不貸

通查交盤檄

爲通查交盤以清積弊事照得交盤原有定例如各府州縣印官凡遇降革病故休致終養等項既經離任則任內未清錢糧官雖易而吏則一是侵是那何難清查茲訪得湖南緣事各官名雖離任或羈滯於各該地方或流寓於省會客舍經年累月交代不清蓋緣接任正署新官因交代陋規不能如願故意畱難不出冊結亦有上司經管吏胥勒索未遂混行翻駁甚至有等上司官以平日之趨承不到今日之禮節甚微展轉移查擱

案緩詳此在降革等官已屬難堪若一經病故家口不繼旅櫬難歸者更不知作何情狀本都院言念及此不禁此心惻然更有一種恣縱無忌之徒或舊項可完故畱尾欠或前局已楚托故稽延自以已破之甑罔知愛鼎把持請託無所不至殊可痛恨除行各司道府州外合亟飭查爲此仰司官吏照牌事理卽將湖南各屬降革病故等項未經交代各官通行確查共有若干員某官是降某官是革是故先於何年月日離任現爲何項錢糧不清是侵是那作何補完某官經手錢糧已經清

楚接任某官因何捐畱不出冊結某官已經詳奉批允
離任逗畱某某地方不歸故里文到逐細確查造具簡
明登咨清冊一本詳資以憑核奪至前項捐勒索詐官
胥本都院另有訪聞決不姑爲若輩寬也慎速慎速

銅鼓衛假捏老人冒銷糧

為敘奉

憲議事查冊內九十五歲老人即上屆康熙二十七年
六十歲之老人也銅鼓衛轄守重等既開九十五歲何
以上屆冊內八十歲老人並無此等姓名今屆冊內突
然開造明係假捏冒銷一干部駁罪誣非輕事關錢糧
豈容冒銷為此仰司官吏即將前項捏造老人扶同出
結逐一嚴查併取具膝泥造冊冒銷錢糧各職名報叅
至該司不行查明上屆底案開造具詳混行造冊請

題亦難辭咎限期已逾先將遲延各緣由詳報由馬上
飛遞以憑題叅毋得刻遲火速火速

飭議墾荒田地檄

爲田畝荒缺等事案照該縣屬荒熟田地混隱不清兩經本都院據詳會疏題請履丈今准部覆蒙

恩俞允正官民刮垢磨光之會也但丈糧詭弊已有明鑒而清隱之法惟在該縣實心釐剔設立長規嚴飭遵行務期上可裕

國下不病民毋庸草率從事合行飭議爲此仰寧鄉縣官吏照文事理卽將該縣荒熟田地塘畝作何履丈何以清出隱漏何以禁絕棍蠹何以不致狐擾何以遵限

完竣速行確議通詳慎毋視為具文草略塞責未便

禁勒報派墾情弊檄

爲嚴禁勒報派墾之弊以杜民累事照得民間欺隱田糧不徒上虧賦稅而且自累身家如湘鄉縣傅某父子漏糧事發革銜擬罪沒田追租已爲前鑒現據衡山縣詳報唐某等鄉縣詳報周某等各欺隱緣由俱批飭查究尤爲近案蓋愚民惟知貪利一時不顧害生日後及至發覺首則已晚隱則不能刑法難逃產業並失此等無知既堪痛恨亦可矜憐是以本都院據藩司詳會疏題請欺隱者自首免罪荒缺者勸民墾報又頒簡明冊

式禁止藉端派費總期積弊盡去後患全消所以爲爾等計者亦至矣盡矣乃猶有執迷不悟甚至倡造浮言希冀阻撓非蹈法網爾等既自作之孽我亦無可如何惟是此番清查原有熟報熟有荒報荒卽部文內亦開明不論戶內非無主荒田令有力情願者承認開墾弗恐地方奸猾棍蠹假公濟私索詐小民未遂慾壑卽勒令以荒報熟又有不肖不查田畝墾否原荒有無按照熟糧攤派荒糧捏數造報坐民認墾每石或三四升不等竟使窮民墮害永贖似此滅絕良心必受陽誅陰

丞本都院爲民請命豈肯輕縱殃民除現在確訪嚴拿
叅處外合亟通行嚴飭爲此票仰布政司官吏照文事
理卽速示諭凡有新墾荒蕪田地塘畝既赴地方官接
數自報入冊毋得隱匿致干罪戾如有不肖官役及劣
衿豪棍敢違禁令壓勒強報以荒作熟或按熟糧攤認
荒糧捏報坐墾者不論畝數多寡許被害之人卽赴本
都院轅門據實陳告以憑官差役懲劣衿豪棍立拿杖
革法在必行決不輕貸各宜凜遵毋得輕試慎之慎之

飭知內班門皂工食不能扣捐糧

爲飭行事照得修建南嶽各項議捐俸工一案本都院
衙門除吏役廩食等項未捐外已將門子皂隸額設工
食扣捐二載但窮役封鎖署內日食無資業將吏書廩
給內每季扣銀一十五兩以給門皂今據各吏役又以
扣有不敷稟求照舊全給而門子皂隸似難責其枵腹
供役所有額設工食應行支給合亟飭行爲此仰司官
吏照文事理除本都院俸銀仍照全捐外其內班門皂
康熙四十五年工食仍行按季呈解以憑給發毋違

飭常平倉穀實借窮民概

爲小民粒食維艱等事照得湖南所屬上年夏被旱災
秋收歉薄米價騰貴窮民乏食先據藩司詳據桂陽等
州縣呈請循例借半前來本都院當經通飭長靖等九
府州各將所屬倉穀親歷盤量照例先將一半借濟窮
民併將存倉一半會疏入 告請量爲多借務使乏食
小民得霑實惠等因前蒙

皇恩俞允已經轉行該司通飭所屬一體欽遵在案但
湖南歷年出借倉穀多係蒙衿積棍勾同經承或公帑

自濟南書卷二
包借或捏名冒領一人而借至一二三百石不等甚至
不肖有司將倉穀侵那乘此出借名色掩飾虧空捏造
冊籍朦蔽轉報其於真正窮民毫無得沾顆粒獨不思
身爲民牧既不能使民無菜色戶躋春臺仍使

聖主之恩波徒飽奸豪之貪腹豈惟

王法所不容抑且天誅所必殛合再嚴飭即便轉行所
屬將經收常平等倉歷年捐積穀石查明應實在若干
本年先已借給若干現在存倉一半確查果係真正窮
民日食不給者量爲多借通盤合算再將所存之半出

借民間秋收照數催補還倉仍將一半存倉加謹收貯
備賑但不得假手胥役及贖徇情面一任豪衿積棍捏
名月借致真正窮民不得稍甦饑困如敢仍蹈故轍肺
腸旣已非人而目亦難見我飛章襁褓擬後悔莫及該府
州縱殃失察一併糾叅斷不輕貸

飭府州親查倉穀數

爲小民粒食維艱等事爲查積穀一項原以備荒接濟
向來於青黃不接之時藩司始行詳請通飭出借一半
行之年久昨該司詳據各屬早爲借給誠屬便民業經
本都院如詳批允但查各屬倉穀總屬空虛卽云出借
亦惟以鬼名假領作紙上美談如寧鄉縣該存倉穀一
萬七千七百餘石上年冊報借給窮民八千一百石而
現在虧空一萬三千三百餘石則上年借給之八千一
百石安在又耒陽縣該存倉穀八千七百五十餘石據

該縣詳府認少穀八千石賠銀六千六百兩解府則存
倉之八千七百餘石安在總以

朝廷良法美意盡敗壞於貪官蠹役之手殊可痛恨况
定例內各屬所貯之穀每年奏銷時應該府州親臨盤
察得實出具並無虧空俱係實貯在倉印結齊核以杜
虛捏今各府州曾否盤查出結若不肯州縣乘此未盤
查之先竟以虧空穀石詭稱出借而該府州於盤查出
結時反得推諉不惟穀石全無着落而此結何以存案
明知府州盤查亦止扶同欺隱何常實心任事若再開

推諉之門更啟侵蝕之路合就飭行即便親臨所屬將
貯倉穀石逐一盤量如果顆粒實貯該府州卽出具並
無虧空印結賣司一面飭令將存倉之穀照例借給一
半務使乏食窮民得沾實惠不許豪強富棍假捏月領
倘有虧空卽據實揭報以憑題叅如敢借稱出借托
詞諉卸或通同捏飾定行一例叅究不得故違

查寧鄉縣虧空倉穀檄

爲年老病劇等事查寧鄉縣告休知縣曹長容虧空倉穀今交代例限已滿據詳前因止敘該府之盤查不及署縣之詳報若以署縣兩月不詳則何不揭案署縣若以署縣已經詳報而竟行抹煞則必致干徇庇二者均無辭以解也卽以盤查言之從來盤查止在現任之官豈有合現任不問而盤查離任之理况奏銷已經屆期而署官又經兩月今不盤查鍾合接任之錢糧而反盤查曹合離任之虧空是明以盤查蓋其隱諱矣定

例恭嚴未容欺飾若輕率入告何以免於扶同之部
議合行嚴查該司卽查該署令是否捏報長沙府曾否
查明收貯處所有無通同扶捏情弊立速確查具覆以
便核奪

飭盤察倉穀出借檄

爲條列應行事宜等事案照湖南各州縣衛節年存貯倉穀例應春借秋還該府州縣自應將各所屬倉穀早詣盤查清楚出結實司詳請批示通飭將一半存倉備賑一半出借窮民庶青黃不接之時可以贍入口而資取作乃各府州縣膜視民艱每延至四五月始行盤查請示出借固已不及察饑又值農忙遠赴挑負往返耽延致妨農務是

朝廷有惠民之政而格不得行編氓有可貸之穀而饑

不得食不知爲民父母何不一動於中也今康熙四十五年時值仲春又當出借之時民間乏食望借甚殷該府州竟不上緊盤量而州縣得以諉延出借無論不顧民生抑亦有忝司牧本都院拊心蒿目殊難忍置合亟行催爲此仰府州官吏照文事理文到卽速束裝將所屬倉穀盤量明白如係實貯一面出具印結費司詳請批示一面卽飭該管官確查真正竊民徑行出借仍報明本都院核奪如有虧空立即詳報倘敢仍前怠玩上下生諉任意緩延或聽奸胥指撻故意措畫足以不恤

困苦照溺職糾恭斷不姑貸眞切慎切

飭議捐設義倉積穀橄

爲酌議積穀減糶之法以期小民實有受惠事自古常
平社會原屬良法美意但恐有司奉行不力有名無實
何濟於民今各州縣俱有常平積穀必須於秋收時照
數買補升合不容缺少該府州親身盤查毋得徇縱虧
空不行揭叅定干併究抑本都院又思今年湖南地方
雨水調勻秋收豐足則穀賤傷農不可不慮因而終夜
忘寐輾轉躊躇大抵收穫之時買穀者多則其價決不
至於太賤耕種之時賣穀者多則其價決不至於太貴

是故平價濟民全在出納及時糶糶得法若夫常平積
穀動用必須題達未免有需守候應行酌議另設一
公捐義倉及今豐收之年購買好穀加謹收貯俟來年
四五月間青黃不接減價糶賣收銀貯庫秋收仍買
穀還倉如此行之既久則倉穀日積愈多歉歲不憂乏
食矣合行公同酌議爲此仰該司官吏查照來文事理
會同公議此公捐義倉應設何所買穀本銀應自本都
院倡率捐俸至州縣正印官止共有若干買穀糶穀應
委何官專管何官督理務期商議妥當經久無弊不動

朝廷正項而於地方貧乏小民實有裨益庶可佐常平
之所不足而於收養之道無愧矣慎切速速

飭查長沙縣糶賣倉穀混造合勺等數檄

爲飭催盤查事爲照倉穀一項自合以下尾數止可見於盤算起派者而書原無打量之物賣穀亦從未有賣合勺之理今該縣減價糶賣穀石竟有合勺尾數是何打量之法又所易價銀毫絲作何稱收似此開列報核顯屬朦混捏飾合併飭查爲此卽長沙縣官吏照文事理卽將該縣糶賣前項穀石合勺作何打量易過價銀毫絲憑何稱收立速查明詳覆以憑核奪毋違

飭減糶救荒檄

爲穀貴軫切民艱減糶急宜酌舉特飭查議以濟窮黎
事案照州縣存貯倉穀有春借秋還之例原使實在窮
民借領運回庶贍八口以資東作業經本都院通飭出
借在案茲長衡二屬上年雨澤愆期收成歉薄况又下
江多來搬運以致本地存積甚少且富豪之家擁穀堆
囤坐待長價更爲喪心不良近日市米騰貴窮民度日
維艱本都院聞之食不下咽查春間原有出借之例有
司若能實心檢察自使饑民得沾實惠今訪聞各州縣

劣衿棍蠹機乘出借愈穀或捏名冒領或搆索行私無告窮黎莫不向隅而地方官惟覓奸猾侵蝕毫無顧忌是出借之名甚美而其實無益本都院再四思維與其循例出借徒飽棍蠹之囊橐莫若減價糶賣以救窮民之饑餓合行查議爲此仰布政司官吏照文事理卽便確查長衡二府屬上年出借穀石秋成未經還倉之州縣舊穀既尚通欠今年難准再借應否以現在一半應借之穀值此青黃不接減價糶賣實在窮民如或不足再將應存一半內減糶十分之六七該州縣不得假手家

丁胥役致滋混月及需索短拙使窮民裹足不前其上
年秋成已經還倉之州縣似應仍照例一半出借一半
存倉備賑至戒糶之弊亦不一端或虛報糶數賺利肥
囊或縱容奸商地棍多買轉販貧寒小戶反不得升斗
克饑殊堪痛恨但地方設立有司所司何事觀此糶糶
赤子不爲竭力軫恤更以

朝廷救災之倉穀援爲貪污分潤之機緣此等不肖雖
存皮肉全無心肝卽上司耳目有不及一時法網或倖
免而天理難逃必遭絕滅子孫之禍救饑如救焚本都

院不得不痛切言之該司卽備抄轉行嚴加申飭勸諭
各存一分真心行一分實事毋謂本都院紙上空言不以
白簡從事其被若輩之欺朦也其減賣價銀令各州縣
眼同同城武弁教官佐貳首領封明貯庫取結報查不
必轉解致滋往返如有侵虧卽將出結各官一併參究
該州縣仍將糶過穀數銀數報明俟秋成飭照時價買
補或價有贏餘非買穀入倉備賑總期私弊盡絕窮餓
稍甦本都院不勝爲賢守令望之各宜三思祇遵共畏
王法冥誅毋得負人適以自悞慎切慎切

嚴禁放穀檄

爲嚴查放穀之弊以安窮民事照得岳州府屬巴陵臨湘二縣去年雖未成災委屬歉歲已動支二縣存倉積穀碾米煮粥賑濟久困災黎糴買維艱准巴陵縣動穀八百石臨湘縣動穀一千二百石減價賤賣以濟窮黎各在案今煮粥之倉穀本都院現在設補還倉其減糴之穀價亦飭藩司收庫俟秋成照價買補乃訪聞地方不肖劣員利慾薰心罔知忌憚巧借買穀還倉名色預放穀價每銀一兩勒要還穀六石是每石不及一錢七

分萬一殺價稍貴臨時完納不前勢必慘加敲扑嗟此窮黎頓遭酷削真可痛恨爲此稟仰某縣官吏照文事理聽候秋成買穀還倉照依時值現發價銀如有不肖地方官私令蠲役預放穀價每銀一兩勒穀六石者小民或一時被愚領銀入手卽行自首准其免還倘仍恃強逼索許受害卽赴轅喊稟以憑官叅役處慎毋瞻顧致干併究不貸

飭停徵借穀檄

爲嚴飭停徵借穀以甦窮黎以廣

皇恩事照得長岳常三府屬春借窮民穀石因該年夏
受水災秋成失望日食無資本都院軫念民艱特疏

題請奉

旨俞允暫行停徵俟四十八年秋收後照數追補還倉
等因當飭遵奉緩徵俾窮民得免追呼之苦第恐不肖
有司聽蠢指撥陽奉陰違私徵取利而奸胥積棍借端
欺騙有負

皇恩殊干法紀合行嚴飭爲此仰州縣官吏照文事理
卽出示曉諭真正窮民人等知悉四十九年借出常平
倉穀格遵部覆暫行停徵係四十八年秋收後照數
還倉如有棍蠹借端勒索婪賍以及不肖官吏罔顧民
艱悖禁私徵者許爾等窮民赴轅控告以憑官叅役斃
奸棍立拿重究斷不輕賈各宜凜遵毋得故違慎切

飭煮粥賑饑餒

爲飭行煮粥事查得煮粥之法大爲有益饑民但行之
不得其人則或耗於冒銷或歸於中飽而饑民終不能
得半菽之惠甚爲可嘆今該同知旣以實心賑饑自任
合就飭行卽速借支巴陵縣存倉積穀擇於公所設廠
煮粥賑濟至三月終止每日酌量饑民多寡約需動穀
若干該同知親身督賑嚴絕弊端務使饑民得免枵腹
仍將開賑日期具報所有動支倉穀數目事完造冊呈
核另行設法補還毋得緩延未便

禁商販穀米檄

爲嚴行飭禁以儲民食事照得湖南長衡常德等府素
稱產米之鄉其實家鮮蓄藏民多匱乏本年天時亢旱
中早二稔薄收民間所仰望以資生者惟蕎麥晚稻之
是賴邇來陰雨連綿彌月不息所種豆麥蕎麥稻多已沒
損將來民食何以度日本都院對此霪雨憂心如灼且
民間所收稻穀無幾訪聞外省奸商憑棍借名射利入
境搬運爲害不小合行飭禁爲此仰府官吏照文事理
卽便大張曉示併嚴飭所屬地方官凡有奸商異棍前

來境內販賣米穀者立即驅逐出境不可停留片刻敢
有上棍牙行網利勾引潛匿境內私通搬運該地方官
不時查拿解報從重究處決不輕宥該府身任地方務
宜痼疾是切毋得膜視致干未便仍將示飭緣由具文
報查毋違

飭議停止查鹽檄

爲法有未盡等事爲查先據三府商人汪興益等呈稱
湘鄉之永豐安化之藍田竟爲私販之淵數湘鄉一縣
派銷子鹽十五萬有零而永豐歲售一百餘萬安化通
邑派銷子鹽四萬三千有奇而藍田一鎮乃銷至七八
十萬可稱越販擾害之明驗若不卽頒頒法將必課遭
商逃等情前來本都院念四府三府總爲

朝廷辦課之商是以通行該司道會議立法稽查使私
鹽不聚於交界之處則官鹽自行於三府之中卽禁阻

越境私鹽亦無非恪遵

功令但便於三府商人者自不便於四府前准鹽院咨
請仍循舊例隨時售銷又行該司道妥議確詳去後據
該司道會詳善化以南一體通融惟填明水程登號稽
查則四府既可隨地轉輸而三府之挽越自少業經本
都院核覆鹽院并咨 督部院在案但查長沙府鹽價
本年三月十三口以前每包俱價銀一錢五厘自十四
日起至四月初七日止每包價銀一錢一分自初八日
起至閏四月初五日止每包價銀一錢一分五厘自初

六日起至五月十五日止每包價銀一錢一分八厘自
十六日起至今止每包價銀一錢四分是今日鹽價每
包多賣三分五厘矣雖三月增價尙在未查鹽之前而
鹽價日增保無諉於查鹽之故如 督部院咨開鹽價
騰貴商痛民怨者或亦有之令行飭查爲此仰布政司
驛鹽道官吏照文事理卽會同確查長沙府鹽價比三
月以前因何每包長價三分五厘計每千包卽長價三
十五兩是否因查鹽以致騰貴抑或停止查鹽價可得
平卽將停查便民鹽價照舊之處明白具詳以便酌核

自治官書

卷十一

牌榜

諭旨

查照

金

懷

堂

停止毋得含混遲延速速施行

查鹽斤因何增價檄

爲飭查事照得行鹽銷引關係

國計民生務宜斟酌時價多寡適中上不悞

國下不病民斯稱兩便今訪問衡永寶三府屬地方行

銷鹽價較長常等府州屬大相懸殊查衡永寶三府距

長不過數百里有奇裝載水腳亦可計算而知何至較

長靖等府州屬鹽價每包增至六七厘不等得無三府

鹽商剋剥小民以自奉耶抑三府官役棍霸需索陋規

不得不昂其價以取償耶夫鹽爲民生日用之需官鹽

至貴則窮民無力食官其群趨而食私亦勢所必至及
一經敗露而家破命傾愚民之罹法寔官鹽之騰貴有
以致之也職任地方詎可置之膜外合行飭查爲此仰
司道官吏確查三府鹽斤因何增價浮多有無別情逃
行明白籌算自長至三府應加水腳若干每包應增價
若干每斤應定價若干立定章程永爲遵守庶
國計民生均有賴焉茲聽良謨慎毋遲緩

查茶攸鹽貴概

爲飭行查議事照得行銷引鹽地方遠近價值低昂稍異近訪得攸縣茶陵州二處同是長沙之民同食洲渾發賣之鹽距長不過數百里而鹽價大相懸殊小民苦於貴買揆其所由蓋緣衡永寶三府商店阻其大江水運所買之鹽勢必經由淶口小溪灘河紆曲多苦盤剝又有陸運數十里穿山過嶺脚費不貲以致鹽價高騰每包竟至一錢六七分二錢不等嗟彼窮黎何以堪此該道職司鹽政自有素籌務得兩全之術方爲妥協合

行查議爲此仰道府官吏照牌事理卽將攸縣茶陵二處食鹽何以不致苦累小民立行查議又衡州府現給印單以別官私可否做照將二處額銷引目按小包數給與印單徑由大河裝運仍令三府商店於衡河隘口照依印單數目查照不許於額數之外夾帶攪賣鹽一到彼止許照湘潭鹽價量加水腳發賣既有益於二處之民又無損於三府之商其印單應由何衙門給發一併指明抑或另有別籌立即妥詳以憑詳奪毋得遲違

速達

查鹽陋規墩

爲再飭嚴查以甦民困事照得湖南鹽價昂貴苦累小民本都院訪聞陋弊多端以致價增累重前赴任過武昌卽傳集各商諭以本衙門陋規盡行革除如有食言卽不得由此水路回家裝耳共聞明神可質隨據各商稟稱情願減價私心甚慰及抵任之後據衡永寶三府商人願每包減去七厘此誠天良不泯法紀猶存豈意長岳常辰靖五府州屬行鹽各商冥頑如故並不遵減豈以本都院衙門陋規猶有借名指騙耶抑此五府州

屬行鹽各商利慾薰心全無忌憚悍然抗法而爲此耶
合行出示通知嚴飭爲此示仰撫屬官吏軍民人等知
悉本都院衙門鹽觔陋規已經盡革如有食言卽不得
由此水路回家已經明誓嗣後倘有地方官蠹及不法
衿棍大胆喪心仍前需索鹽商規例以致貴價累民者
本都院一經訪實定行分別叅拿究治其五府州屬鹽
商良心滅絕仍行貴價累民除嚴拿究處外本都院誓
言在耳厥咎維均明有

主法尚有神明諒無所逃後悔何及等因除出示外合

併飭行該司有司宜重任亦宜秉公執法殫心爲民毋
任沿襲故轍徇縱干咎未便

茶攸照湘潭鹽價檄

爲嚴行飭禁事照得行銷引鹽雖地方遠近不同價值
低昂稍異然按水陸程途計筭量增鹽運腳費則鹽價
自必均平不致高擡病民案查長屬茶攸二州縣行銷
引鹽價值高騰上年飭行查議迨至本年六月內據該
道詳覆行據該府州縣查議俱稱照湘潭鹽價按程計
筭茶陵州每包增水腳銀九厘攸縣增水腳銀七厘五
毫嗣後行銷俱以湘潭鹽價消長爲準似無浮歎商民
兩利等因在案近訪問茶攸鹽價每包尚賣一錢四分

不等查長沙鹽價現據長善二縣開報每包一錢零五厘湘潭諒亦所差不遠則茶攸二州縣鹽價按加水腳無幾何至大相懸殊合再飭行嚴禁爲此仰驛鹽道官吏照文事理速卽嚴行出示曉諭茶攸二州縣牙行人等知悉務照湘潭鹽價消長爲準量加水腳毋得仍前任意高擡致苦窮民淡食亦不得疎縱衡境私販致違額引有干嚴律併飭查湘潭縣鹽商發販時價按季通飭茶攸二州縣遵照毋違

飭查需索鹽商陋規檄

爲欽奉

上諭事查長岳常辰靖井衛永寶八府州所屬行銷准
鹽州縣文武衙門相沿積弊不遵禁革陽奉陰違該道
通同隱庇置

功令於不聞藐誠飭若故紙深可痛恨合行嚴查爲此
仰驛鹽糧道官吏照文事理卽嚴查所屬行銷准鹽各
商自本都院衙門以及大小文武衙門每年需索商人
茶葉銀若干節禮銀若干隨禮銀若干相公銀若干房

科銀若干門上銀若干門子銀若干把門役若干併該
道衙門引規銀若干水迹規儀銀若干節壽銀若干樣
鹽銀若干鹽船規例銀若干責令商人據實造報如無
前項陋規取具各商耳結併該道出具印結詳資存案
一經發覺豈特該道從重嚴叅併該商以與受治罪毋
任諱匿致干咎戾慎速慎速

禁生監私克鹽牙檄

爲嚴禁生監私克鹽牙以除弊害事照得鹽勛一項乃
民生日食之需務在公平銷售庶鹽價不致高擡則窮
民不苦淡食商旣無壅於引目官自無碍於考成本都
院屢任以來屢經嚴飭在案前據永屬零陵縣詞控生
監闖克鹽牙高擡價值勒加外用緣由業經批查據覆
分別罰懲禁革外誠恐各州縣不法生監私克鹽牙鹽
行漁利害民合行飭禁爲此仰驛鹽道官吏照文事理
通飭所屬各府州縣嗣後鹽牙鹽行嚴禁不許生監私

克務選殷實樸誠之人取結克當如有不法生監倚恃
護符闖克鹽牙鹽行搥價網利違禁病民卽行詳報以
憑究革該道卽大張告示嚴行禁止如有故違一經察
出併該道以失察叅處仍取具遵依報查毋違

議引鹽 奏銷考成檄

爲懇禁外商等事爲查州縣銷售引鹽向係總商運鹽到岸卽赴地方官將水程投驗於歲終彙繳以副

奏銷考成今聽水販自行搬運水程作何投驗將來

奏銷作何稽核又湘潭與衡山接壤湘鄉之永豐市安

化之藍田市寶慶所屬州縣連界皆係四府三府分疆

之處一有越境卽以私鹽治罪而地方官並罹處分今

既不分疆界則越境不爲私鹽而地方官似不在失察

之議但未經題明應作何定例合行飭查爲此仰驛

監糧道官吏照文事理卽將水取自行搬運 奏銷作
何考成七府既經通銷越境應免查究速行逐一妥議
詳奪以憑會核咨 題母得混延速速

查湘潭習戶布椿攔河檄

爲飭查事照得該縣沿河一帶地方設立攔江習埠有用竹木椿不攔河一半併有將河道攔滿者但河道係往來船隻必經之地既有椿攔滿必致阻礙行船更訪聞過船偶撞椿不覺戶反指西索詐殊可痛恨據習戶羅相賢稱係上納賦稅而該縣又稱往例俱稱如斯但該縣課稅固有定額其習戶攔河一半者納稅幾何攔滿河道者納稅幾何該縣作何分別徵收合行飭查爲此仰湘潭縣官吏照文事理即將該縣沿河習魚人戶

共有若干往例作何攔截內椿滿河道者若干納稅若干攔河者若干納稅若干逐一查明詳覆并將漁戶羅相賢同經管課稅經承賞執該縣徵納冊戶姓名稅銀數目印冊赴院以憑查奪毋得遲違

禁官役藉端苛徵

為嚴禁藉端苛阻以疏商販以遵

功令事照得越南糶米本都院接准 部文欽遵

諭旨令賢能官員於有名馬頭大鎮店內察明或江南
浙江官民貿易之人或本地百姓及他處貿易之人在
某馬頭某鎮店將某家米買賣若干及姓名米數至月
終具招奏 聞并從前運下糶米數目察明奏 聞等
因飭遵在案本都院伏思

上諭令差員查察買賣人姓名米數原欲使商販流通

江浙兩省億兆生靈不致苦於艱食此誠

皇恩偉亦萬姓更生之命第恐不肖官役借端搜查妄
行騷擾及沿途地棍乘機生事捐索匪難棘干法紀合
行嚴飭如在各馬頭大鎮店內販買米石該店家行戶
即將買賣人姓名并買某家米數販往何處發賣情由
據實報明轉報本都院於月終具招 奏聞倘不肖員
役奉行不善忤違示禁搜查騷擾以及沿途地棍乘機
生事捐索匪難許即赴轅指控立拿重究決不姑貸各
宜凜遵慎之慎之

四十五年錢糧東佃作何分免檄

爲飭查事准 戶部咨文直隸各省遇有蠲免錢糧之

省業戶既當一應差徭將蠲免錢糧之分数分作十分以七分蠲免業戶以三分蠲免佃種之民務使業主佃戶各照所免分数得沾實惠等因通飭在案目今時已秋杪西成已竣正佃民納租之際本都院訪問湖南各州縣業主佃戶竟不遵照部文將蠲免錢糧之分数分作十分乃將收田租之數分爲十分佃民免去十分之三業戶止收十分之七但業戶當蠲免錢糧之歲反少

收租穀十分之三則部文所爲以七蠲免業戶者何處着落且部文內開明業戶當一應差役是以止照錢糧蠲免並未照田租蠲免合飭查議仰布政司卽將湖南各屬蠲免錢糧其蠲免業戶佃民分數應否照田租扣算速行查明詳報以憑核批通飭遵行務使業主佃民各沾實惠毋得偏枯未便